

Les bonnes histoires de "Ch'Guss"

Ej' n'aveus rin voulu dire jusqu'astère pour pon affoler ch'l'opinion publique, mais aujourd'hui jen'peuve pu garder min secret plus longtimp. V'la: ch'est par rappor a chés soucoupes. Tout le monde i n'in voye, ej' sus d'accord,, mais moye, non seul'mint je n'aille vu eune, mais j'sus montaille ed'dins.

Ej' sus el' premier a avoir étaille soucoupoudraille ed' dins l'atmosphère.

Il éteut pétète onze hères dusoir. J'éteus sorti ed' dins m' cour. D'in sèle coup, que qué j'voye dins min jardin: eune soucoupe. Et pon eune tite léquette!

Sus l'coup, j'éteus même in colère qui z'aveutes té prins min jardin pour un soucoupodrome, mais j' n'aille pon euve l'timps d'réfléchir, ech' z'évén'mints i lu z'ont précipitaille. U!, a cotaille ed'challe soucoupe, i n'aveut deuve tits bonhommes qui z'éteutes assis ed'dins mes porlauwes. Et ch'éteut des Martiens. I z'aveutent in globe d'sus lu tête et i fumètes tranquillemint eune cigarette. U!, u!, i fument té comme nous eutes, à part qu'euwes ch'est l'bout alleumaille qui mettent té dins lu bouque...

Toujours z'hérolique, j'min vaille les trouver, mais pour pon qui z'érées euwes père ed'moye avec eune tête ordinaire, j'aille prins ech'globe qui n'a d'sus l'quéminalle d'em'cuisine et j'l'aille mis d'sus m'tête. Et j'aille dit à m'femme: «Ti, té mettras ch'bocal a cornichons! On z'allons avoir des visites. Fais lu pon d'café, comme c'est des Martiens té n'as qu'a lu faire arbouillir les « mars ».

Et m'v'la assorti. J'les z'interple, in français bin sére, j'alleus pon parler patois à des gins que j'connalssus pon. I m'ont répondu bin aimappes. U!, o savez, i z'ont des tits appareils ed'sus lu vinte, des «microbak» qui z'appellent, cha traduit immédiatement cha qu'o dites. I z'ont rintraille à m'maison et comme i z'aveutent té saim, ej'lu z'aille donnaille eune bolte ed'corned-beef.

Pinsez, in voyache parèle, ed'la planète Mars à la terre, avec l'ehirculation qui n'a astère ed'dins l'atmosphère! I fauws tenir ess' droite, surtout qui n'a des morclauwes qui vous croisent in route... ed'z'aérolitres qui disent... et pls i n'a cor des plus gros... ed' z'aérodécalitres!...

Bref, i z'ont mingeaille et lu z'ont bien régallille avec m'bolte ed'corned-beef... U!, parce que challe viande, ils l'ont jétaille, i n'ont mingeaille ecqu'challe bolte ed'fer.

Et ch'est d'là qui m'ont proposaille ed' partir avec euwes faire un tour là-bas. I m'ont dit qui m'éreutes ramenaille el'lend'main par el' soucoupe ed'dix heures et quart... Cha fait qué j'sus parti...

Que cha n'est qu'j'aille vu? Je n'peuve pon vous raconter tout cha ichi, et d'abord o m'crurètes pétète pon... Et pourtant...

Robert JORDENS.